

# Zwei chlini Wölfli

---

T&M: überliefert

1. Zwei chlini Wölfli schliichet im Dunkle,  
da ghört me s'einti zum andere munkle:  
«Warum müm mir au immer i de Nacht uf d'Rund?  
Me schlat sich a de Wurzle ja nu Pfötli Wund!  
Wenns nur chli heller wär; im dunkle ischs so schwer,  
wenn nur de Wald mit Neonlicht belüchtet wä-ä-är!»  
Dum badum badum badum ba dumba dum.

2. Zwei chlini Wölfli die schliichet im Räge,  
da ghört me s'einti zum andere säge:  
«Warum müm mir au immer nume use wenns seicht?  
Me wird bis zu de Chnoche völlig duregweicht!  
Wänns nur chli trochner wär; im Nasse ischs so schwär,  
wänn nur de Wald mit Blache überdached wä-ä-är!»  
Dum badum badum badum ba dumba dum.

3. Zwei chlini Wölfli die schliiched dur de Schnee,  
da jammeret s'einti zum andere o jee!  
«Es isch so grüüsli chalt und mini Pfötli tüend wee,  
d'Nase isch am Tropfe und me gseet fascht nüt mee!  
Wänns nu chli wärmer wär; im Chalte ischs so schwär,  
wänn nu im Schnee e Bodeheizig ibaut wä-ä-är!»  
Dum badum badum badum ba dumba dum.

